

田叔禾小集卷之十一目錄

男田 藝衡 私識

賦 一首

詩 六十首

五言古詩 四十七首

七言古詩 六首

五言排律 七首



田叔禾小集卷之十二目錄

詩一百四十八首

五言律詩七十首

七言律詩五十六首

五言絕句四首

七言絕句十八首

田叔禾小集卷之十一

錢塘田汝成撰

男藝蘅私抄

賦詩

南遊賦

歲次闔茂月旅夷則歷日戊寅七夕令節田子
將祗役桂林貌焉異域戒行李辭嚴君展瑩宅
謝姬姻供帳南浦弭檝西津迺喟然嘆曰迢迢
畏途險矣隘矣佻佻征夫靡矣憊矣夫運有窮

通事有順逆安土敦仁謂之迪吉故度德量力
中外以秩者君之制也委身陳力夷險無擇者
臣之義也猥經術之寡昧兮濫策名於盛時效
涓埃於一紀兮倣沿牒而登資王程檄其孔棘
今誼不可乎稍留遂揚舲以邁往兮訊南紀而
遠遊闕庭闈之定省兮眷棗梓之綢繆雖慰親
以強笑哀憑心其曷瘳路尸饗而負米曾受杖
於豳爪尊叱馭以馳阪嶠絕裾而忘家伊數賢
之異趣兮予惟三復乎白華景孔門之崇孝兮

何百行之能加陟五雲以騁望兮散予心之鬱
伊禹穴蔚其對涖兮微河洛而末思輯瑞帛以
會計兮防風後而蒙誅孔斥怪而不語兮胡辯
骨之專車俄瑤山之峯嶺兮突秋江之怒濤乍
翺翔以徐進終踈踈以彌高束赭峽而旬磻薄
赤亭以消搖陵廣斥而雲布迫枝汜而熊咆來
不知其所吐兮去莫測其所韜將堪輿之噫吸
兮疇胥怒之能招降層岑而即舸兮御魚浦之
緒風淹定山以回眺兮眇鳳嶺於冥濛旦予發

於浙內夕倚權於桐廬軒文漣以淪茗筆翠存
以爲茹山川鬱其盤飢兮信玄聖之儲胥攬予
纓之纏纏兮濯嚴光之靈瀨晤入幕而輸忱曾
不屈其鯁槩體肥遯以居貞處久約而能泰希
巢許之遐踪何狂奴之故態指太末以西邁兮
歷姑蔑之榛墟丁吳越之龍鬪兮悉率賦而從
之踐茹膽以勗恚媪持葛以作絲藉蠶種之夾
輔竟澡耻於會稽何六千之膚敏復假虹於妖
姬貴乎聖賢之持滿兮履薄冰以自持彼何怵

而淫佚兮少康祀其忽諸悵覽古猶未厭兮增
羈懷之末嘆沂行颯以催發兮紛不假乎盤桓
釋余撓於澱澣摠余轡於常山路威夷兮木杪
風飄蕭兮雲端感新秋之策策悲故國之漫漫
望玉斗之峩峩峯鷺鉛溪之修渚雲冉冉以歸吳
人棲棲而泊楚亂彭蠡之汪洋兮康卽歸其在
睹哂僞漢之草竊兮規潢池以跋扈 皇祖赫
以龍飛兮矇不肯乎爲所鼓蛙怒於鯨波灰萬
艦於一炬先扶搖以鷹搏後倉皇以鼠沮屬四

寓之承平兮梳一葦以安流恍翩翩兮買客服
濺濺兮漁舟舉杜蘅兮幽淑狎鳧鴈兮中洲沐
膏澤而誅勤苦兮喟太息以夷猶會長風以鷲
舉聊戢翼於洪都肅南州之高士吊黃墟以束
芻蓄秉鈞而少通兮矯矯節於頽波既下榻以
承間兮胡不規之以中和處明夷而用晦兮知
其無可柰也互標榜以危言兮亦吾黨之過也
誦古牒其多愍兮予姑順途以徜徉披劔池之
荒壤瞻牛斗之餘光金川冽以維緩王笥駿以

高驥慨神物之恍惚兮僊之跡復已渺茫握極
醕而叩螺阜兮謁忠節之祠宮嘉趙宋之多士
兮每登庸乎茲邦文子哀然而首舉兮值宗社
之顛傾慟赤縣之草莽伏黃屋於滄溟靈亦知
天壤之不可支兮要弘莖以爲正竭余力始就
繫兮濱九死而崢嶸誓成仁而取義兮佩聖訓
之孔明復靈歌以激烈兮涕淫淫其緣纓犯皇
恐余上泄兮亦靈顛沛之所履水瀉瀑以下瀨
兮擊危磯之齒齒類驂馬之騰波象潛牛之伏

渚沫沸沸兮雲衣風泠泠兮送予將感靈而助
予兮管予濟乎驚濤予既不難於利涉兮履層
坎而愈安晞庾嶺之偃蹇兮路回回以造天石
側疊以霞駁木天矯以虬蟠憇中坐而神掉俯
浚谷以顛汗豁崇關以豁閭兮巖不可乎徑度
通重海以來庭納八蠻之寶賦輦犀象而麗珠
翠兮歸上國而布濩嗟曲江之人傑兮煒相業
於開元關茲關以懷遠兮峻故里之藩垣衣冠
儼其世祀兮覽遺編而增歆賦白羽以寄諷兮

窺細德之險微予之言既艱於納牖兮抱殷憂
於長離版上帝以喪亂兮悔違弼其何追乘凌
江而下遡兮接南海之洪波憶當年之浪跡兮
冒赫羲以流槎涉朱垠之浩泐跋赤嶠之嵯峩
疲精神於夙夜兮冀青衿之速化遵半塗而削
迹兮雖式穀其則那予亦知迂踈之爲患兮耿
憤世而嫉邪雖忤時以多口兮剖心腎其無他
掠端州以左轉兮訊孝肅之遺黎却片石而弗
橐兮孰貪泉之能淄潯江流離而東下兮蹇予

舟以薄磻榕山龍從以隗罪兮路陵陀而逾峻
逆灘水以玉滯兮入大荒之修垆出參差以縈
繞兮冗不知其所名峯刺天兮戟立灘濤石兮
雷轟霧靈靈以下淝雲滌渤以長蒸猩猿哀以
夜嘯虎豹群而書行劃綠林以唐突兮孰有戎
之敢櫻何茲川之塞阨兮餘百里而無人心屏
營兮逾劇途邈迴兮益屯禹胼胝以荒度兮曠
戎索而弗理降芊楚以肇封兮輓輶路以畧啓
王制闕而未被兮詎文德之能救忍羈旅以伶

俦兮惕二親之遺體超陽朔而比詣兮及桂林
之崇墉控五嶺之上游兮鎮百粵而爲邦洞重
闔以方軌兮壯屏翰之軍容其中則朱門赫赭
文薨鉤闕植戟鳴鐘 皇宗是國次則街衢弦
直間闌蟬聯五方服賈列隊居屨扶輿毓秀綏
冕比肩於前則連山嶠崿界以重江醞清瀉濁
環陰抱陽經涂枝術貫穿越裳扼要領而南下
若建筮於穹堂於後則培以衡嶽枕以堯阜綸
絡荆潭盤宗篤厚尤疑續紛以布翼三湘迴帶

以澄瀏於西則山奔水導分湘別灘發源月峯
莫測端倪引牂牁之洪派委下屬於番禺於東
則兩江迤邐與海通波飛艘絡繹鬻販魚鱉泮
散夷落北走湘湖述四郊而容與兮庶斯域之
可居鄉心憒其勃發兮衷眩曜其猶初佐旬宣
以賦命兮媿實約而名虛駑駘駕而戀櫪兮思
抱影於空廬遠父母而弗穀兮陟岵岵而漣如
孰有翼之可假兮願一覲夫里閭魂展轉以達
且兮宦情索其日淡乞骸骨而返初服兮疏欲
陳而未敢擇官而仕豈臣心兮顧私衷之寡歡
傾肝膽而孰諒兮叢謗詈予以避難第抑志以
就列兮順時命而即安奉簡書以從事兮又怵
瘳曠之爲患亂曰大易有訓幼所懷兮消息盈
虛與時偕兮困亨而貞友諸已兮求終知救慎
厥始兮死生富貴命在天兮釋躁寡怨維末年
兮達人觀眇四海兮雄飛雌伏安以待兮欣
戚異感途所經兮歌以末言舒旅情兮忠信篤
敬慎身修兮雖之夷狄終無尤兮

詩

扈從西苑勸藉御幽風亭酬勞述頌

時作

八政食斯首三農古所劭 明皇重本業天田

開禁郊房星正晨度新陽蒸土膏僊杏吐妍華
崇蘭泛和颺蠢蠢蟄戶啓泯泯沍凌消覽彼物
色華平秩眷春朝馮相練嘉辰嗇夫獻靈苗朱
紘戾芳囿葱轄班神臯黜黜翠幕列奕奕青旗
搖三推先億兆百辟助劬勞行觀種稔疑佇想
粢盛饒騰車行烈醑舉燧升豐穀陳力經阡陌

酬勞飫芸莢 皇恩一何徠歡聲雜簫韶春遊

嬾夏諺載芟賡周謠願言勤祝史王燭萬年調

扈從高禔壇訖事還御 重華殿 臨饗

禮官述頌

公時爲禮部祠祭司郎中賜宴
欽賞白金五兩綵段一表裏

前星隱芒耀恤胤崖淵衷禮官展經義禡祀肇

修崇良辰考乾度靈壇依震宮北杓指降婁東

井正昏中蒼帷霽神固絳炬輝玄穹拒鬯揚郁

烈精虔一以通逍遙神具喜登假何豐融瓜瓞

兆蕃衍禕褕佩彤弓相維二三臣奔走咸肅雍

回鑾臨闕殿錫燕瞻 天容玄鳥啓殷績帝
昌姬宗休徵晰在昔瑞應今所同跋觀迓景福
華渚流長虹

無逸殿落成侍燕聽輔臣進講書無逸詩

函風七月各一篇述頌

時爲禮部儀制司員外郎

栢梁聯藻詠華林盛文流但可娛高會未足揚
閑休我 皇秉明睿九德裕兼收在貴不狎邇
旣聖猶敏求離宮匪新築舊貫仍崇修埽霓雲
棟竦天矯虹梁浮華榭映講幄黼辰凝宸旒藉

是集儒彥寧爲清燕謀冲襟佇啓沃元老陳嘉
猷勤民重本業稽古談姬周書詩取同貫稼穡
贊鴻疇石渠未可擬東觀詎能儔瑤瑤珩瑀戢
峩峩冠弁休昔聞鳧藻契今見丹青投緝御授
筵几大庖羅珍羞中庭振朱鷺東序憂天球草
豐零露湛華甘鳴鹿呦采菽嗣鎬飲浮觴殊洛
遊嘉運信非偶 洪恩安可酬小臣叨法從恍
若登瀛洲秉筆記盛美惇史垂千秋

冬至日扈從 南郊訖事還御 奉天殿

○ 大宴羣臣述頌

時為儀禮詞中

奉天

昊天眷鴻曆 皇明承景祥 聲教漸四夷 倫制
規百王 輶軒通月窟 象譯臻龍荒 玄符契穆濟
坤珍宣秘藏 神禽翫阿閣 醴液流中唐 宸心
虔大報 秩祀輦舊章 園丘應紫極 靈日兆初
陽 萬象荷資始 一元統天綱 虹旂導法駕 周衛
儼星行 玉階陳夏擊 金鼎升芬芳 跼跼集彥髦
頤頤奉 十 於饗 歆百神 紫焜燭穹蒼 皇祖
夙幽贊 降恒帝 傍精白 格上下 泰靈淹樂康

回鑿徑芳甸 廣燕開明堂 受釐單 設穀錫福均
履長隴 恩逮庖程 和氣塞玄黃 百男衍周祚 多
壽餘堯慶 臨況兼巨美 徽號垂無疆

○ 覲賀至京作

自貴州兵備僉事入

覲作

矯首望天邑 佳氣搏紫清 巍巍準辰度 恢恢布
皇紘 丹霞盤鳳閣 白日射金塗 四衢朝擊轂 九
市夜鳴箏 皇都誠巨麗 況乃逢休禎 漢號若流
水 頌政如懸衡 九廟秩禋祀 三雍延上業 璫
階時莫莢 瓊圃敷華平 卓躒摠諸夏 保界隨西

京舊遊慨陳迹盛觀欣新笑攀龍鳳
儀雲程子牟馳魏闕長孺戀承明自非主
胡然委琚珩鴉梁詠在昔撫已增屏營

觀賀禮畢辭朝作

明皇膺瑤籙寰宇躋春臺祥風扇九有玄澤濡
八垓千秋邁令節萬國奮懷來輝煌耀靈景奪
窳天門開 皇容穆顯若臣度秩欽哉九賓奉
琛賁三揖禮賢才夔龍前儼導鄒枚後紛陪我
冠無寢貌彩纓咸俊魁金縣玄圃奏玉露南山

杯展儀儀已肅摠情情亦恢 聖心眷敷錫清

問及蒿萊丞疑瞽密勿揮霍變雲雷蛩蛩跡
臣弃置如駑駘良辰夙所冀始願行已仄稽首
謝楓陛沿牒返荒隈短日苦遲暮長路方縈回
金鑑有遺錄闇劣昧其裁中夜起嘆息回首睇
三台

歸自靈山途中寄別送者一作寄王維

引痾謝省闈戀祿瀛孺蠻雲煖燦爛
芊綿風土旣非偶應接罕所歡傾蓋

顏昵周旋周旋雖未幾燕婉已相離
姪悠悠林壑期舒襟躡陽嶺探幽
賞心願詎惜頽義馳頽義不可留信宿
抗容理程會瞻途戒盤遊情人眷儔侶
林丘並愜意倉悅攬袂語綢繆綢繆
能展殷勤潯江東北鷺靈岫西南青
奮奔峭凌烟紛已足消客况矧復懷
積思深含酸未沉吟習習谷風嘆丁
新知樂自昔又要證在今渥惠諒非
薄佇子瑤

華音

聞鴈

洞庭生白波蕪葭下寒露棲鴈驚且鳴噉噉雲
間度客心奈爾何彷徨聊四顧盈盈河漢傾寂
寂樓陰注長夜漏已闌崢嶸歲云暮耕稼有餘
休糾縷多觸忤長劔不可揮掛壁塵欲汚青雲
非我鄉碧山亦懷故何不歸去來廣陌縱長步
明朝覽鏡中短髮渾欲素

曉發富春

東風曙色微征艫乘月鶩激灑泝江波冥濛亂
洲霧去家寧幾何奄忽變朝暮冉冉越川塗
妻抱情慄明發眷嚴慈端居憶冲孺運命信不
展行藏且狼顧壯齡昧險夷橫厲騁高步投足
輒坎塹省躬覺僣誤猖狂阮籍車濩落魏王瓠
因茲眷田園庶幾完晚素曾是惴惴憂匪以快
快故進止復何如離情繫江樹

俠客篇

俠客意崢嶸出渭城金羈躍紫燕錦帶垂

青萍修容已自熹家世復雄名豪舉橫穎曲高
貲遷茂陵藏命鄙郭解借友懷荆卿將相延倒
屣京兆禮分庭冠蓋隘邑屋玄黃交篋贏義槩
衆欽聚肯藉唇舌榮晚節募約敕縫掖從諸生
咕嗶破萬卷鼓吹鏗六經承平法令弛戎莩乘
國成長吏競乾沒盜賊莽縱橫刺史懦自免司
隸昏如盲賞罰天所持誰能假之行義勇著心
本寤標何時平

至日軍中鞠俘閱賦時爲貴州僉事分憲思南道征西陽作

洪鈞開大塗沉陽春初後院管屬
行鞍恒懼調燮疎疇云慮囚戮伊
戎畧荒服列郡勤飛芻連管矯流
賢鯨鯢屢摧斲策獻羸俘累纍貫
敢論功寔悲向隅哭况復值良辰
聖澤暢八埏萬有藉亭毒柰何此
滲漉茂對浹皇慈敬授協民睦月
然廢陳牘

○寄贈黃勉之

西湖遊詠刻九一十八首今錄五首其二

溟渤長百川攝提紀羣曜玄覽綜古今達人秉
樞要光儀表人倫藻謬華名教尚絅問逾榮梓
茹賢孤邵伊余昉沉冥自牖延靈照抱素寡泛
儔當涂眷高蹈慕蘭神屢交攀嵇懿初紹傾蓋
結綢繆披襟領微妙墳素恣竒搜蓀蘭從夙好
六蔽行已蠲三益誠知樂短札媿李投晤言冀
瓊報

○寓大石佛院綠竹北軒

其四

禪關信窈窕飛軒結層岑紅泉瀉靈液綠篠屯

幽險登樓有高眺窺圖亦近尋我友
言偕宿欽遊神隘八極歛跡依雙林慮泊求罕
固思玄物詎侵舒嘯撰危策陶和賴孤琴慧日
朗虛牖祥飈襲冲襟遺榮賁高趾親仁息長心
斐豐發衆難鏗鏘劇賡吟機忘狎魚鳥道在茂
纓簪

○ 遵王岑山高麗慧因寺由六橋步歸

其六

危岫擁嶠嶽輕裾恣超軼遠眺幽蘊舒近矚麗
景密丹厓望騁窮玄門瞻儼悉貝牒衍三車珉
經閱隱快法相覲象龍高談藟于翠奧隩擬罽
披扶光忽飄疾草草風栗留滂滂雲慘慄枉渚
浪西頽環洲棹東尼引屨回徑賒行吟餘賞溢
迢遞陟飛梁徙倚憇石室步雅體仍和神王心
逾逸微尚易爲盈良遊難可述

○ 自石屋洞至法相寺

其十

曠志憶逍遙勞歌厭囚窘縱壑媚春鱗薄霄愧
秋隼隘彼方內遊夙此塵外軫每挹山水輝都
使名利盡煙樹杳芊綿雲峯互苴稹崖屋已靜

便祗園復悟引金輪相自圓玉鏡天
燭靈根依本獲玄準理會得存充神開暢無厭
雖牽纓組心亦免丘壑哂

○循宗鏡閣左登南屏山頂披險西討其十

聊浪已泱辰次第極奧賞潛棲神鬱伊高邁性
陶朗磴棧絕竇緣厓館忽躋仰萬壑透雲屯雙
峯對霄上妙覽匪四隅瑋覩集西壤餘霞散浮
緗高颺驟清響陽臯挹春暄陰谷參秋爽已訝
樵徑迷時晞鹿町往景觸咸內任情融非外獎

藉此淑管魂泮襟庶殊曩

○崇安閱去年訖遂偕蔡子木暨諸生同遊

武夷

武夷遊詠刻凡十首今錄二首

校文億蕤藻取則慚執柯紛綸五經笥璀璨群
英羅薄乘都授餘喜覲朋好過追隨訪殊境泮
魚淹卷阿玄壇邈今古琳宮懸燭臺鵲盤焚都
梁鸞贊奏雲和吏牘乍置遺儒冠屨嗟峨岷景
偷幽棕蘭言聽良多鄙吞儀倚林綠若獨沅疇

贈子木

名汝楠德清人嘉靖壬辰進士

達人恩情妙難酬結縈象山水流玄機不可
清響天香春藥舒溪溪秋瀑爽愛子稱才不愧
我一日長樂善音面諛忘年通心獎君
聞契託雲霄上北懷箕穎期南結羅浮想但恐
博扶搖枋榆空悵惘

○示藝衡

貴州時寄所云二親者朝議大夫方大恭人也母氏者世母費氏也

直棘信要荒山河絕疆紀登涉浹七旬顛險軫
萬里馳坂掣懸微凌橋援飛藟洞壑屯層雲鬱
蒸蕩涯涘俛瞰所歷高終朝魄三攄炎燠瘁興

徒負擔蠻重趾喟焉休戚同尋情喪寧救覽物
感已多鄉思歛紛委明發懷二親庭闈盼尋咫
歸訊企南鴻來緘覓雙鯉內顧鮮所歡重寄不
在爾爾名良不訾喻義夙有以維衡抱英芬幽
真匹蘭芷攬結勤昔賢明德馨諸已蒙養首沉
潛聖功謹初始從繩無枉林斥弛匪良士動容
鸞鳳翔靜儀喬岳峙三省研道真百巧黜淨技
幼志棄褻愆今圖覺今是善變魚爲龍不善櫛
化枳根株旣已殊臭味詎倍徒大父秉明哲家

綱振弘美定省肅恒儀愉顏承母氏在禮隆
源所後非異視汝妹歸有期梳枷別嫌似阿妹
纔六齡癡小復喪妣塊處傷策單戕脾斷瓜李
小叔雖亂齟名行我倫比遜讓太古前趨跡勿
有儼物情和以諧天道盈有毀世祿猶不支寒
宗焉所恃夙夜慎身修兢翼保福履朝華悲蚤
披頽羲邁暮軌厲志或懸頭惜陰亦泔髀羹墻
覲前修龜鏡括諸史曾是握瑾瑜豈云覲青紫
我用申嘯歌法言間文俚疊疊探由衷拳拳勝

提耳孝理不遐求興言矚橋梓抱表三復之無

爲漫諾唯

姊者藍田也妹者亭亭也妣者徐恭人妹之嫡母也小叔者季禾公也

丁未之秋周虛岩沈鈞玄自吳中見訪皇

甫百泉以詩寄懷爾不報于今三年薄

遊吳中遂偕周沈同訪皇甫因而叙答

憶昔漢東京乃祖秉風節群賢禁錮辰耻不與
黨列流芳千載餘雲孫振高潔三鳳侈前聞吳
中推四傑麗藻曳金徽玄談罪王胥眇予忝襟
期用世慚蹇拙衡宇翳蒿萊跡屏扉倦閑三徑

引清風二妙忽紆轍萍踪難合弁鴻想阻寥泬
入室嗅芝蘭眉宇靚踈徹新知既已諧舊雅重
陳說之子揆天才長鯨橫海掣貽我犬雅篇寡
和等白雪七襄不成章三歲字懷滅德輝信難
韜珠沈水圓折哀哉越石父胡然困縲綬願君
鑒蘭膏剗彩避媒孽世態喜追隨吾道重規切
由衷報短章無異劍首快皇甫名涉字子循長
洲人嘉靖己丑進士

渡江

長江浩無涘欲濟仍躊躇眇此一葦輕凌彼萬

頃餘操維苟弗審寧不隨淵魚豈獨九折坂康
莊亦摧車所以大易戒濡貴有衣袷寄語臨川
子慎勿狎靈胥

採蓮曲

江水纔三尺芙蓉漾新碧亭亭立曉風深紅間
長白蘭舟輕往來墜粉何狼籍對此愁佳人良
辰空自惜安得駐朱顏留待遠行客

冬夜宿省中懷應邦材

名大桂仙居人嘉
靖丙戌進士

寒月滿空除清霜零碧樹怛怛懷遠憂轉展不

可曙飄忽柰歲何佳人渺何處冷落秋滿簷
矯孤鳳翥烟烟來夢思忽忽不得語安得凌晨
風奮飛從此去

○ 答葉敬之三索曲

名良佩太平人嘉靖癸未進士

碧樹生庭阿童童若翠葆一夕秋風生零落隨
百草榮瘁信有時紅顏豈常好明鏡將柰何風
霜願自保

橫塘五月初芙蓉香霧濕遊冶兒女情蘭舟何
捷給日出浦煙消日落風浪急長纜將柰何花

喚莫深入

銀瓶金作鏤奇珍等琛瑞金井汲寒泉泉深瓶
亦墜頃刻不自持下載水沉棄修綆將柰何臨
深慎勿易

○ 野田黃雀行

黃雀秋正驕翻起平楚集我墻下菜啄我場
中黍我黍予所治三時鮮燕處穎粟曾未餐朝
夕供爾汝交交往復來卒歲空予庾我欲訴帝
虞收之以累罟罟何恢恢嘆息此終窶

大鵬篇

大鵬隘少海乘風欲南圖男兒抱遠志墮地處
懸弧束髮去丘墓負劒遊皇都皇都一何麗九
軌開經涂朱甍聯繡戶擘擘相依扶王侯盛賓
從賢豪起屠酤明經登上相高貴分左符一朝
蒙渥澤三族生膚腴捷足無躑躅矩步多趨趨
拙哉骯髒子華顏守枯株

古意

孤蘭生廣圃亦與衆草妍春風信駘蕩雨露誰

能偏獨抱幽閑姿卒歲終自憐感物契我心移
置庭堦前臨風三嘆息相對兩茫然

謝陸伯載見規三首

鰲崑山人
辛巳進士

少年頗好道遍入名山遊瓊花與瑤草茫昧不
可求纍纍征途間卒歲誰爲謀路逢王子喬憫
予雙矇眸飲以金七藥居然宿疾瘳願言侍羽
駕一覽八極周霓裳忽高舉嘆息蒼冥淨

漢宮尹婕妤自謂花相似長得君王憐三千失
皓齒豈識傾城姿却在東家里一見邢夫人低

頭羞欲死妍媸固有然區區安足侈
秋風發寒谷策策吹庭柯物色迥非故白日亦
流波人生匪山岳安得久峩我浮榮易汨沒立
節貴不磨寧沾千載譽媿取天地多登高餘咫
尺失足未蹉跎與君各努力皓首將如何

苦戀

苦戀山澤好何不投朝簪既爲丈夫雄難仄行
義心安能依草木搖落煙霞深世人誇健步擒
虎飛危空嗟此孱懦姿康莊猶棘林華榮非本

相取舍力自任古來利名窟未有不陸沉

南歸寓普明寺

伏枕一月餘風餐四千里歸厭人事喧靜借祇
園止林深雲不開僧耀庶常倚未暇參禪乘先
須憇勤趾解帶授松床赤腳謝芒屨虛曠引輕
風氷盤薦沉李絕勝白旃檀清寒逼脂髓曠起
無人知凭欄看放藥

仰屋嘆

稚子莫力田稗禾同一植幼女莫美機絲纈同

一織取辦眼前功不顧身後職萬物各有歸
爲強委逼君看頭白人七十猶童心語言多反
覆變態如浮陰梟鸞無別翼和聲卽同意天聞
不敢叫仰屋聊短吟

雜怨二首

結愛莫割襟分襟能斷親送遠莫刻期愆期多
傷神不涉棄置地豈識離別因唯有庭中槿淹
淹如解人

流火不鑠金飛雲不動石妾有金石心惜無金

石髓鄰女探春歸笑談喧一席我獨守空牀殘
燈伴愁夕

古意

寶鏡淨如水中涵明月光贈君千里道清輝移
洞房一覲孤鸞影應知妾斷腸

艾如張

艾而張羅于彼空谷狡兔斯奔竄首叢樸此鶴
何辜斂翮就戮弗謂何辜爾辜實多揚聲豈盍
樹刷羽瑤池波矯潔世所忌讒人柰爾何

赴貴竹發朝違戀

焚絲治有緒離思攪無端遠役詐云恤違親良
獨難已足灰百念况迺當春闈冥冥風雨交策
策衣裳單別味釀胸臆猥雜辛與酸慈母結襟
袖枯眸淚沈瀾嚴君強顏色吞聲益繁嘆楚水
既渺瀟黔山復嶢峴戰兢簡書役摧絕棄梓歡
前修重遺體折阪回征鞍依方切歸想陳辭款
金鑿量無鴻鶴志終返枋榆安臨岐憚卻顧揮
策如飛翰去住各自愛泯然勝加餐

雞鳴篇

雞鳴何膠膠東方昂欲曙殷殷長樂鐘葱蔥未
央樹車馬交九衢簪纓滿朝著寓內屢曹穰雲
中罷飛輪七貴欣夜遊羣賢及春豫曲池決高
都漸臺槩承露茵閣蔽南山香塵暗如霧但惜
青樽空寧知白日暮仲蔚翳蒿萊雄心耻饑附
咄彼蟬冕華疇能顧韋布貴賤各有營寂寞保
貞素

雜興二首

嗜欲浩無涯，逐物紛喪已。哲人炳幾先，知足貪
已弭。天道迭盈虧，高陵日崩弛。冥冥投禍羅，時
能鑒傾軌。

寒風振大壑，百卉紛蕭疎。長夏已如此，素秋復
何如。四序苦奄忽，汨余年歲除。端居寡儔侶，撫
壯空躊躇。

貴竹對雨寄焦學憲

名維章字子晦灌縣人嘉靖丙戌進士

遠道難託跡，新羈多怯覓。况茲風雨夕，四塞山
城昏。坐令昭曠懷，頽然抱幽存。尚冀時才彥，清

談蠲鬱煩。高山邈旌節，何用展寒暄。孤鴻去空
與遐心，矯騰騫君心。諒無拒跋予，竚歸軒。時在都勻

感古

壯士不得志，鞍馬無光輝。屏居藍田側，蓬蒿翳
荆扉。舊遊已陳跡，世局多新機。雄劍躍寶鞘，時
追狐兔飛。

烏蠻灘

廣西時作

百粵信多險，茲山復魁岸。飛嶂杳峻嶒，懸流激
湍汧。嘈嘈驚沫紆，齒齒玄磯燦。征帆卷不舒，鼓

柅理猶斷臨深絕手援習坎發顛沛已傷千里
心焉假百年觀汜濟暢餘歡回睇末前嘆居易
如有常僥倖非所翫潛然臨長川誰能寫幽瘡
贈東昌陳太守 儒癸未進士

希世非短步規容必新妍迷離昧奔涉濩落成
棄捐忽忽遠京國悠悠越山川潢潦汨修畛衰
林霖平仄訖箴離緒亂惻惻羈思騫徘徊眷儔
侶抑鬱增沉綿訪古道東郡賞心邁時賢傾蓋
亦邂逅含情自變娟舉世忌王碎君子羞瓦全

信義苟無爽願頷非所憐慷慨平生志非君誰
與宣

○ 長城歌送齊瑞卿整飭隴右兵備

長城蜿蜒起西極疊格層樓架空碧秦徒百萬
力已單積壤千年化爲石太華崢嶸天削成黃
河九折龍門傾山川縈抱復如此百二之險誰
能京胡騎當年怯南牧豈知謫戍窺山陵由來
外侮非長顧立國還須先內寧天子垂衣泯聲
色德威震懾陰山驚花門底貢走天闕關西悍

卒何縱橫白晝都城逞睚眦殺父橫道標其名
齊君炯炯雙瞳精英風飄忽玉侯輕紫燕雲達
幾汗馬蒼鷹盤薄凌秋清詔下承明選賢達班
超夙有封侯骨昂然攬轡萬里心坐見長城增
碑兀猛士咆哮慎所監指揮能事如風湍唐家
河北弊姑息至今欲語摧心肝

名之鸞桐城人
正德辛未進士

書徐四叔丈示元僧定芝書竹

名衢字亨
之餘杭人

兩山老人雅脫俗萬寶都忘惟愛竹千里遺來
八尺縑習習清風自天目嗟予雙睫飛塵埃披

闔恍惚臨寒谷白石紅泉夾坐隅欲訪林巒舊
茅屋誰歟作者僧定芝二百年來墨色滋想得
禪龕初出定臨風戲寫青瓊枝一葉初開豁煙
霧迥出數幹騰蛟螭迸谷穿雲條有神湘漬澗
曲空嶙峋翠影參差搆素壁風前彷彿聞韶鈞
君看此畫非凡格放筆凌空如植戟山人翫此
生意多籜龍宛露塔前碧碧玉駢頭日已長清
修不逐井梧霜欲待伶倫求鳳管正聲千載諧
虞簧

呂梁遇風

呂梁窄束黃河傾黑風倒擊波崢嶸石齒襍牙
出復沒鯨翻鼉躍相喧爭飛廉觸忤陽侯怒戰
酣日落猶未平盤渦挨舵幾欲折孤舟旋轉如
風箏客心摧折色沮喪欲將骸骨隨浮萍沙頭
田父荷鋤立腳踏實地雙眼瞪茅屋百年可容
膝天外豈有真蓬瀛

送蔣明卿之萬載

名祖餘杭人弘治辛酉舉人知縣

乳燕朝飛麥隴平棗花未落槐陰清故人出阻

盧溝道遙遙翠幃牽離情酣歌擊筑凌千古試
決懸河向君吐丈夫榮辱等浮雲世態低昂何
足數十年習靜三峯廬一瓢長對五車書意氣
湘江走東海襟懷黃鷗翔太虛巨闕芙蓉花未
剖神光會見冲牛斗謝氏森森靈運奇吏隱宜
春嫌墨綬萍水西奔垂玉虹錦帆天際逐薰風
秋深紫蓋峯頭月千里西湖入夢中

別贈吳大允祥

名麟孝豐人嘉靖丙戌進士時由御史謫廬陵知縣

唧唧復唧唧出門長太息拔劍安所如古道滿

荆棘憶昔高坡凌天衢宛轉青雲乘白榆
葉葉紫霞綺飛佩珊珊明月珠天子聞名趣召
見三春傳詔重華殿環碧池頭錫宴歸一朝傾
動金門彥世故由來反掌間九天雲雨須臾變
沉淪蚤慕鹿門家泥塗始羨相如倦別君此去
東復西咫尺相看雙淚垂丈夫不得高樓棲傍
人門戶須俯眉

長歌送張方伯

名義成都人正德甲戌進
士由廣東按察使之福建

炎洲一夜飛寒雨榕葉滿城凝露紫海門白白

故人去明眸雙送秋風裏壯遊憶昔與君時並
勒青驄白玉羈太液池頭看藕渡曲江花裏共
題詩峨眉稜層秀骨枯清廟新呈雙玉壺海外
莫愁花萼眼天門早晚歸雙鳧雙鳧雙鳧爾何
之雲路茫茫不得隨南國孤舟悲刺促樽前懷
抱有誰知穗城仙迹那更得但見毒龍翻雲海
水黑山猿離迷跳庭閩陽烏渴吼垂雙翼君今
此去閩中遊借問何如天上頭

元日

奉天殿侍儀退簡同署

時爲儀制
司中

魚鑰通霄啓龍旗拂署懸紫宸臨法駕
群仙獻歲闌昌曆首符協上玄乘春恩似海祝
聖福如川占籍青雲上依光赤日邊
寵犬馬度虛年陳力匡三禮和衷藉列賢願從
飛珮後長此聽鈞天

南海李給事孺徵晉江張進士莊甫惠安
曾進士英遇同日過訪時漳浦王進士于
行令仁和四君皆門生話舊小集

訪舊逗征橈江亭候早潮當年同拔萃此日總

遷喬車從洵閣雅衡門慰寂寥論文忘漏求對
酒覺春饒桃李輝聯萼鶴鷺集共條虛名慚領
袖乏德媿瓊瑤登俊光吾黨據忠答 聖朝雲
臺清燕夜應夢到漁樵

李名兆龍張名冕曾名承芳王名健

史恭甫偕遊玉女潭途中奉答

際

希聲振次溲字字曼英瑤昔頌玄真子今聞泰

逸樵

恭甫別號

當年青瑣客謝事紫宸朝雲漢回雙

鳥江湖寄一橈避喧情自約選勝興偏饒玉女
留仙躡瓊花秀遠條葵心丹向日桃臉醉生潮

雲路逢鸞鶴應隨王子喬

出自省中遂往盧龍觀

觀在順天

祛煩離畫省避暑入玄都鳴鶴松間引歸雲
外孤羽童供紫茗虎榻隱青蒲倦展桐君籙
看王母符丹爐新伏火藥笥舊藏珠玩月登高閣
凌風羨遠鳧何時訪姑射束髮受冥樞

往昔悼內

爲先妣徐恭人作

往昔嗟于役尋常定爾思綢繆天與合窈窕意
無私玉案空留篋香纓猶在笥未違同穴願已

負百年期無復人間別祗增地下悲天涯一掬
淚無路灑松枝

飭兵思石群公郊餞別後寄懷

有序

頃者治兵東鄙辱餞青郊供帳備尊竿
之娛贈言投瓊玖之好僚情交誼何以
加諸竊念僕幼耽馳騁厭就矩矱羞少
遊以下澤委志偉終軍以長組蜚聲及
乎弱冠旋入檢束雄風豪舉時復萌生
遭遇休明謬取薄宦十年八轉半就儒

官穰苴祗藝圃之談資絃箝匪毛錐之
什伍近以擯斥之未收復舊班捐之險
棘之隅委以戎行之任雖未能專征秉
鉞禮異軍容而亦得校士掄兵恪共武
服是以聞命就列心動神怡况夜郎障
巴蜀之東藩思石抗湖襄之首領且得
翱翔數郡奔走百蠻覽山川之險易第
戈戟之良苦馭勇士之咆哮控勁騎之
橫驚斯亦丈夫之壯觀宦遊之快事也

分別就道聊述短章若夫契濶之懷與
言雲樹纏綿之想甚于渴飢口未易陳

文馬可遠

行郡初分節論兵制一隅由來崇武畧端取勝
文儒偉餞傾三署芳筵整百壺冠裳高會少慷
慨贈言殊落日征驂急迎秋暑氣徂山光浮遠
樹野色淡平蕪臬憲慚仍寵戎行騁令圖酒酣
飛動意談笑控雕弧

登月潭寺東閣

寺在貴州清平衛

流覽披高閣探竒挹秀岑棟雲含宿潤簷木敞
秋陰滴乳滋丹壑飛淙散碧林庭虛朝鹿至潭
黑夜龍沉仙窟窺天近禪扉映雨深遐踪騫鷺
嶺孤嘯振鸞音已躡真如境仍慚大隱心異方
違夙願偶勝懷幽尋

田叔禾小集卷之十二

錢塘田汝成撰

男藝衡私抄

詩

留別王道思

名慎中晉江人嘉靖丙戌進士禮部員外郎

南宮初罷草五嶺獨乘傳淹蹇秋容暮徘徊落
照前予牟空戀闕叔夜合歸田惟有窮途意殷

勤覺爾賢

宜春晚行

候火遠依林山城歷翠微雨來三峽暮人到五
臺務禽變驚新序雞棲憶故扉暝鴻歸欲盡悵
望寸心違空戀關山月

○ 秋日登南高峯

飛塔中天起清秋騁望來凭欄湖月近倚杖海
雲回窅窳千峯合丹青萬木開猶憐雙足健無
日不登臺

○ 午日雨阻益陽鄭令邀夏民部宴集

羈思傷佳節那堪對雨長主人能慰客高士復
同觴蟻泛溪蒲綠盤行雪糝香物情憐故里慷
慨醉他鄉

○ 瑪瑙山居

高閣迥層氛迢迢積翠分漁歌湖上起梵放谷
中聞終夕惟清簫諸天多白雲儻逢鸞鶴侶從
此便離羣

○ 曉渡湘潭寄懷殷令

利涉依殘月揚舲激素流杜蘭聞兩岸橘柚隱
廻洲魚躍驚歌榜烏啼散戍樓美人看咫尺煙

霧香難求

○將至武陵聞陳約之行部在郡喜而遣報

東觀遵鳩侶南臺耀豸冠懸知霜臬靜還似玉
堂寒荒跡開雲雨芳襟結杜蘭餘馨行喜襲促
席肯辭歡約之亦自翰林院編修出爲湖廣按
察司僉事

○遲陳子不至而行留贈束

不覲金閨滲空懷玉樹清淹留車馬色寂寞笑
歌情人世苦多別男兒榮立名與君方一面珍
重簡書行

○賈誼廟

上書匡漢室投賦感湘纍慷慨經時策淒涼弔
古詞青蠅工點綴白壁易磷緹何代無讒口非
君獨淚垂

○寄諸兄弟震夫壽夫中夫文明貞夫季禾
歸鴈連雲度離鴻獨夜愁翻飛悲異侶棲息眷
同遊嶂巘天邊合煙嵐日下浮不堪歌棣萼雙
鬢欲迎秋

○徐錦衣東園夜燕先歸名天錫魏國之叔

戚里豪華別王孫雅興幽延賓明月夜
聽勝曲池秋未聲遺簪樂先懸側弁愁青驪迴紫陌歌
吹隔珠樓

○ 崇壽寺閣晚眺

虛閣晚來凭遙山紫翠凝踈鐘雲外寺孤塔雨
中燈自別金門侶長依竹院僧蕭然無俗慮身
似玉壺冰

○ 山居雜興

用拙入全怨偷閑老未侵油油棲息地拍拍歲
時心對竹真忘肉聽泉或廢琴茅齋鄰古寺共
占白雲深

觀湖南兩廣土兵受犒軍門部勦西山逋

盜 廣東時作寇平公嘗勒銘于石

練卒今何往平蠻藉此曹幾年勤戰伐無地不
君蒿一舉驚三省終朝碎百牢古來悲玉石節
制更須勞

○ 淨慈寺

紺殿蔚春陰蒼蘿護紫岑池蓮風冉冉臺竹雨

沉沉花遶行廊遠香流別院深
樵歌山徑裏時聽晚松吟

湖上春行

滿目展韶華行遊處處嘉
野橋春澗水古寺曉園花
柳浦歌船集煙村酒旆斜
三堤紛若市爭看玉人車

閬門夜發

人醉閬門酒舟移許聖煙
稀星低屋角新柳接河壘
古糾雲霞外荒臺麋鹿前
三吳清絕地幽

况幾盤旋

烏蠻灘

一葉中流下千山兩岸開
鼉鼉吹浪轉燕雀受風迴
奔峭迎船出啼猿近客哀
從來輕險絕此涉寸心摧

登樓

貴州時作

江風吹欲盡客淚灑仍懸
短景冰霜迫歸心日夜煎
吳門淪碧海蜀道出青天
方識登樓意哀歌憶仲宣

書石阡府地圖

那堪羈旅眼，復按夜郎圖地。脉元通蜀山，情不向吳市。人朝負弩，苗女夜吹蘆。嵐氣經年結，縑縑畫卻無。

提兵過諸葛營有感

武侯經畧地，遺壘尚嶙峋。絕塞通荆益，雄風動鬼神。論兵思往躡，敵愾屬茲辰。咫尺驚戎馬，慚稱屏翰臣。

軍中酬焦學憲過予思南別署有懷見寄

誰道軍中樂，徒勞物外吟。朔風淒鼓角，嘉節罷登臨。草閣依山迥，江梅映雪深。無由欵高駕，愁絕暮雲心。維章

仗劍

仗劍起從軍，三邊義氣聞。勤王寧論賞，獻馘耻隨群。策馬鑿關月，擎旗卷塞雲。歸來變名姓，篋笥謝功勳。

謁包孝肅公祠

謁廟瞻遺像，爲邦仰昔賢。惠流河岳在，名並日

星懸野老蘋繁薦蠻歌報賽進餘波沾溉地一
脉起寒泉

寄潘子仁提學

名恩上海人嘉靖癸未進士時爲廣西提學

與君雖異省百越故全墟隔嶺通雲霧同官奉
簡書高懷那可似吟况近何如潯水東來急能
令雙鯉虛

黃僉憲約登端城北閣歲暮戀歸竟阻勝

覽書此柬謝

名澄南安人嘉靖癸未進士

北閣煙光迥相期渺碧岑孤舟空泊夜高興阻

開襟不爲衝泥慮還牽逼歲心一尊封臘蟻春
日定追尋

三水同陳少叅阻雨

名端甫蘇州人舉人

獨夜懸深雨雙帆滯淺灘野人依岸寂漁火亂
風寒剩有江湖興從教去住寬簾開鷗鳥近細
酌坐更闌

送胡教諭之廣平

爾去廣平中休看嶺外同地因三輔重才近上
都雄花發需春雨人行盡朔風莫言官獨冷吾

道正須崇

王泉寺

春深僧獨卧山僻鳥稀鳴
泉落階前細池分檻外
清岩花寒未發徑草潤
長生潏潏遊魚樂悠然
見我情

和金太史觀潮

名璐字美之錢塘人嘉靖丙戌進士

瀛嶠鬱崔嵬秋濤應月來
翻風銀海潤赴壑玉山
頽水府千靈送龍宮萬
宇開朗吟追七發枚叔
信多材

送鄭知縣改官教授

門心元不負解綬又何難
世路行知險人情久自
安名因谷口重官並廣
文寒空侯將孤棹虛愁
反覆瀾

蒼梧逢程舜敷

名文德永康人嘉靖己丑進士

去年南海上今日兩江中
共是天邊客無煩問轉
蓬山川雖異域桃李亦
春風綽綽行藏在脩然
興不窮

吳程二君同入李氏園二首

園在梧州

乘醉欵山扉，虛亭坐翠微。不禁花灼眼，况耐柳
侵衣。澗鳥迎人下，風泉捲幔飛。誰言百越地，池

閣弄清輝。

吳公名珙字汝瑩錢塘人嘉靖癸未進士程舜敷

萬里萍蓬跡，三春頃刻花。忍孤高興發，空對夕
陽斜。避世心誰許，探幽意獨賒。最憐瀟灑處，臨
水玩晴沙。

月夜江東之隔浦

名滙進賢人嘉靖丙戌進士

相對越江濤，聞呼不辨音。燈開青霧小，月出大
堤深。誰解招招意，空懸脉脉心。穗城如有約，春

日候鳴琴

哀冲太子挽辭二首

昨夜乾文異，飛星繞漢回。正愁三極沴，忽動少
微哀。空佇承華問，虛憐博望開。宸慈憂不輟，晦
朔若爲裁。

豈乏長棄術，誰投七返丹。龍樓臨月寂，蜃輅御
風寒。秋建高禱祀，春荒末太壇。微臣思往事，灑
淚向天端。

公爲禮部時舉高禱祀祈應故結及之

陂塘渡

四川

匹馬陂塘曉千山瘴霧端哀猿啼月斷孤魅嘯
人寒懸澗歌橋折穿雲故棧盤溪蠻綠樹立驚
迓漢衣冠

寄簡王兵憲

名崇末康人嘉靖己丑進士

裁罷黃門簡來臨赤戟臺先聲威百粵遺草動
三台每惜安南棄空餘節制回炎荒皆帝字何
日掃重開

○ 聞延綏捷至寄奉唐相公二首

紫塞傳星檄彤廷下虎符飛騰龍廐馬翕習羽

林孤開府雄三畧元戎控八區不須紆廟律方

叔擁皇圖

公名龍字虞佐蘭谿人正德戊辰進士時以尚書總制二邊

天策懸霄迥神兵壓塞雄青羗張掖並赤狄定
襄通光躍旌旗日威騰鼓角風何由陪羽獵結
束引雕弓

馬駙馬宅夜宴

瓊樓明紫甸芸閣上丹青幽入蓬萊苑平臨烏
鵲橋落花迴鳳舞艷曲度鸞簫華月延清宴風
情此夜饒

趙太守同府寮精嚴寺宴集談時事有感
紺殿午沉沉空庭古木陰清尊延勝賞涼雨豁
煩襟旅劍乾坤晚朋簪湖海深感時愁併劇憊
燼未灰心寺在嘉興

○ 過泮堂黃公邀登宜民樓別後却寄

樓閣俯關河凭闌望若何
鄙通賓旅遠城近海
雲多酒綠揮津樹風清引棹歌
客愁兼別况流思
清煙波名宗器闕縣人嘉靖乙未進士

寧海道中

匹馬向江東蕭蕭朔朔風
人間生事薄客裏歲華窮
浪跡隨殘雪歸心入斷鴻
倚門愁正劇 殺白頭翁

○ 石梁瀑布

洞閣探幽處龍宮架石梁
飛湍珠瑣瑣懸磴玉蒼蒼
日月開仙界煙霞護上方
何時投白杜身世兩相忘

○ 曉渡楊子江

曉渡人猶競臨深我獨驚
半江殘月淡兩岸曉

煙橫鐘鼓金山寺，旌旗鐵甕城。從來天驛地，警備可忘情。

過剡溪想天台覽勝有懷梁徐林三文學
望望名山去，溪流泛碧桃。芒鞋從此試，金策更須操。煮石將休粒，餐霞待伐毛。諒非難脫屣，還念爾同袍。

宗上人惠豆豉戲答

配鹽幽菽子，分惠自僧家。未下名雖久，金山味更嘉。將同玉板笋，何似水梭花。參透看平等，方能轉法華。

送月松上人遊天目

中峯留幻跡，遲爾去傳衣。相送臨秋水，歸來掩夕扉。杖頭黃葉落，溪上白雲飛。坐望松間月，還思靜者依。

東園

聞道東園勝，亭臺石徑斜。曲池深落澗，短竹翠穿沙。岸幘鶯啼柳，傾壺月度花。風埃徒羨爾，何日訪仙家。

春日山行二首

古寺寒煙外，清尊落照中。
石林樵徑滑，曲瀾板橋通。
纓冕終何事，浮沉媿此躬。
碧山頻悵望，迢迢白雲東。

幽懷天共遠，春水眼增明。
淺翠松前酒，留連花外鶯。
笑談今日事，感慨百年情。
歸騎煙光暝，孤村雙杵聲。

贈別

客館論文日，京華旅食情。
風塵雙鬢短，漂泊一燈明。
樹影江城碧，鐘聲野外清。
孤舟今夜月，尊酒共誰傾。

將進酒

狐塞無傳檄，龍城罷遠戎。
懷人千里至，明月一尊同。
淺注琉璃碧，深傾琥珀紅。
勸君須酩酊，良夜莫教空。

客中清明有懷震齡泰龍臨汝力諸兄弟
松柏佳城迥遥遥，一水陰衣冠詩禮澤尊俎。
歲時心此日多情話，何人遠滯滯吳山天際隱悵

望越哀吟

上巳日與曹侍御諸公遊飛來峯

解袂屬茲辰登高勝會新湖山原不負魚鳥自
相親人映尊前玉花餘谷口春朋簪宜數盍莫

遣跡成陳

名性江陵人嘉靖辛丑進士時同遊者七人家君作序刻石峯下玉乳洞

和金太史中秋不見月

璠

漠漠雨兼風華筵蠟炬紅清吟悲蟋蟀踈影暗
梧桐桂闕淒涼掩蘭尊激灑空小樓頻徙倚悵
望亦君同

是夜雨坐四更月華戲簡金太史

璠

皓魄忽披雲遙天綴五紋冰輪金作繪王練錦
爲文露湛襟初爽香疑酒半醺知君倦深酌良
夜未過分

和金太史十六夜玩月

璠

陰晴殊昨夜高朗獨今宵冉冉河流澹離離桂
影搖有情瞻玉宇無路陟銀橋析韻砧聲合秋
城倍寂寥

題美人圖

憶昔逢仙媛，鶯花爛熳辰。香飄金谷夜，光映玉樓春。舞送陽和妙，歌翻淥水新。祇今天上月，何處照離人。

元宵和嚴季祥

名鳳，湖州人。弘治辛酉舉人。時爲鎮遠知府。

寂寞煙花夜，何如竹院僧。那逢千日酒，不對九華燈。長劒天邊倚，危樓月下憑。鄉書明日發，歸思隔年興。

題畫四首

與黃勉之同作

何處訪青門，高人小隱存。暖風揚柳渡，暝日杏

花村。佳境行同賞，幽期擬共論。春溪探不極，疑

是武陵源。

爲徐亨之題。王叔明畫二真二哥，惜今不知落于何所矣。

茂樹曉蒼蒼，臨川引興長。柳堤深卻暑，荷嶼淨生香。鼓柁心方愜，沿洄話未央。採菱清韻發，隨意棹滄浪。

碧石迴溪靜，丹楓背日明。水容秋總淡，山色晚偏清。藉草論文暇，瞻雲悵別情。徘徊林壑裏，疊嶂紫煙橫。

驄馬鸞鷖表，王孫賞雪遊。瓊花飄紫陌，玉樹繞

紅樓北里徵名妓，東山集勝流。捲簾高閣近歌
吹，隔林幽。

○ 聞鵲

晨起雙靈鵲，窺人噪井除。迥開孤客悶，端憶故
園書。盜賊三春後，江湖萬里餘。經年無一信，噴
爾報常虛。

○ 家計二首

家計謀原拙，幽居興獨工。圖書隨坐卧，畜牧任
兒童。并李含朝露，池蓮受晚風。清吟近妻子，尊

釀瀉新紅

避竹深開徑，牽蘿短結屏。捲簾延草色，啓戶納
山青。花氣蒸人睡，溪風吹面醒。倚欄聊一眺，雙
鷺下蒲汀。

題習靜卷

習靜寄林丘，逍遙物外遊。岩花閒映日，牕竹淨
含秋。盤谷應同賞，桃源不更求。何當兼吏隱，共
對草堂幽。

○ 長沙寄余思孝

名胤緒，應城人。嘉靖丙戌進士，吏部考功司郎中。

彈冠華省規襟期分袂天涯歲月移衡岳雲深
龍卧穩湘潭春盡鴈歸遲煙霞發笑吞樓詠賦
畝沈憂覽鏡時沅芷澧蘭搖落遍遠憑煙樹寄
相思

○ 詠斷絃悼內

徐恭人

洞房寶瑟思華年秋夜淒風忽斷絃玉柱已看
零榻畔徽音無復媚尊前巴山月落猿聲絕湘
浦雲沈鴈影偏即使鸞膠能續韻寸腸那得更
綿綿

獻弋陽王

帝子聲華夙不常褒嘉重疊下巖廊丹青自得
山川理翰墨元分日月光江右文章新奕葉河
間禮樂舊靈長何妨乞與連城壁永夜騰輝照
草堂

雨阻桃源喜彭學諭携酒過訪

千山飛雨暗江頭草閣蛙聲入夜愁繞院寂寥
孤鶴伴移尊慰藉故人求高情已發煙霞賞勝
地何妨信宿留晴旭稍須林壑美武陵深處覓

漁舟

酬張方伯叙舊見慰

張之福

建五月而讀

夜郎夢寐驚相見，炎徼煙嵐憶共遊。
泛梗百年憐浪跡，傾杯一笑散離愁。
滋蘭樹蕙行將晚，萼脆鱸肥思及秋。
賴有故人勤慰藉，遠題尺牘到荊州。

夏日憶張總戎山莊

名經杜林人總兵

少陵不惜馬蹄遙，慣向何家第五橋。
嬾慢也耽看竹興，殷勤常荷報書招。
杯凝琥珀行陰洞，簾

展琅玕下紫霄。拋卷北窓高枕罷，臨風還聽隔

山樵

○ 春日晚起

草堂晚起怯峩冠，相喚鄰翁坐藥闌。
乍雨乍晴花氣艷，一談一笑酒杯寬。
浮萍護睡鴛鴦暖，芳草翻風蛺蝶寒。
病客有愁天亦念，故留春色共君看。

西湖遊覽五首

春遊何處最相宜，湖上風光欲暮時。
雲嶂曉開

青茵茵柳橋晴浸碧琉璃風傳隔浦銀笙細月
戀平堤寶馬遲我亦浮沉隨里巷獨懸清賞少
人知

蘇堤如帶束湖心羅綺新粧翠碧潯翠幕淺
憐草色華筵小簇占花陰凌波人度纔纖玉促
柱箏翻疊疊金月出笙歌斂城市珠樓縹緲綠
雲深

曾作西湖幾月遊况逢仙侶木蘭舟
林間榻把酒臨潮江上樓南宋池臺多勝跡東

吳人物最風流一從桂海驂鸞去零落瓊瑣爛

未收

公自注云昔年與吳縣黃勉之遊湖一月
倡和百首予既去桂林而詩亦散佚矣

蒲葍芊芊盡吐芽兩湖凝碧淨無沙煙波窟理

玄真釣書畫船開米老家買賦金空多貰酒登

山屐折爲穿花已拚齒髮千中老別是人間一

歲華

宋家宮殿倚西湖異代蕭條王氣徂輦道秋風
飄落葉寢園春雨灑平蕪登高賦古非能事賞
月憐花揔細娛惟有岳王英魄在蒼蒼宰木向

南孤

○朱烏程考滿北上過訪話別

草翳衡門徑不分，軒車忽駐共論文。
辭華燦爛驚開帙，書法縱橫醉染裙。
威鳳有光依日月，垂龍無路附風雲。
淮陰自古多豪傑，秀美如君更出群。

名笈桃源人嘉靖丁未進士

○聖水岩同賓山虛堂兩上人夜坐時兩上人咸將遠遊兼陳別緒

期襟何處解塵緣，聖水岩頭思渺然。
半嶺松筠

懸落日滿城樓閣鎖，寒煙談詩靜對槐陰榻。
淪茗清分石竇泉，錫杖雙飛出雲去。
海天秋月向誰圓。

送僉憲趙公北

上名維垣永寧人嘉靖壬辰進士

西風策策鴈橫秋，旌節飄飄帝里遊。
夢裏幾回鶯鷺省，日邊重見鳳皇樓。
乘傳按部清風遠，點筆名山浩詠留。
此去王堂逢舊侶，紫薇花下好賡酬。

夏日懷山陰潘柱史會稽司馬省即

忽驚紅日總前起，卻憶幽人幾醉眠。偃蹇即寧，白首伶仃柱史只青氈。鑑湖畫艇搖搖發，蘭

渚清觴泛泛傳。

聖主正勤宵旰想，肯教逐客

老江邊。

潘名壯，山陰人。嘉靖癸未進士。司馬名相，會稽人。正德辛巳進士。

孔學使過積善齋慶堂賞牡丹

天香國色檀雙竒，日暖香濃色更滋。一似素娥開寶曆，何須銀甲弄朱絲。凭欄曉露重樓玉入手，春風四座卮。高蓋暫留臨夜發，還看艷影月中垂。
名天胤，汾州人。嘉靖壬辰進士。

○答陳約之見寄憐遣夜郎兼抒歸志之作

荆門萬壑樹參天，落日賓鴻去杳然。忽枉瑤緘存寂寞，翻令容淚益潺湲。帝城冠蓋三年別，鏡微雲山兩鎮懸。共有鑑湖明月興，若爲同上木蘭船。

謁宋理宗御容於集慶寺

江介重開小有天，聲容郁燁似無前。不聞露布封京觀，謾覩綦冠列細氈。朔幕已頒登極詔，宰臣猶進福華編。丹青寂寞山河改，畱伴空王鎮

法蓮

與張獻叔登吳山眺江湖叙舊有述

曩予校藝集英髦之子才華冠爾曹三獻可無
知白璧十年何事困青袍短筇看竹琳宮僻長
嘯凌雲鷲嶺高杯酒留君匪滯滯滄江八月正
飛濤

名嘉猷閩縣人嘉靖庚子舉人

曉雪寫懷因寄京國舊友

廣東時作

雨雪霏霏曉漏遲天門忽憶放朝時光凝紫陌
搖銀燭花點朱衣照玉墀此夜枕衾人倦起殊

方牢落歲頻移忍從上死看梅發不向湖南寄

一枝

沈子仲文丘壑玄襟煙霞逸調引棹湖曲

傾蓋草堂相與盤桓匝月賦贈一首

應魁

筆牀茶竈白綸巾倚木吟秋興入神跡混煙霞
元不負機忘魚鳥自相親主盟白社慚非偶領
畧青山賴有人已卜西湖成小隱朝朝橫榻候

清塵

國清寺寄懷葉寅長

良佩

雪霽千山照眼明，竹林幽澗坐深清。僧隨落葉
斜陽卧客傍，閒雲小徑行。谷鳥嚶嚶懷舊友，酒
船拍拍送殘生。禪機活潑君知不，三隱當年一
笑情。

登封山塔彌勒化身之地，是佛喜飲好笑
半百年華西復東，飛蓬逝水共匆匆。馬卿多病
書仍著，蘇晉長齋酒不空。自在三杯依佛法，等
閒一笑領春風。隨緣度世當如此，再拜焚香叩
此公。

遊鴈山岩

海外昔曾聞閬苑，人間今已見蓬萊。金庭玉室
誰經眼，鴈蕩龍湫獨舉杯。遠近香泉飛雪下，參
差綉壁倚雲開。平生漫有登高癖，此日深慚作
賦才。

栢渡舟中走筆簡邵司訓

披雲夜磬封山酒，扶醉晨登栢渡船。晚歲煙霞
棲海上，故人風月對尊前。他時會晤知何地，一
餉留歡抵萬錢。春日肯懷林下老，為携雪齋滿

瞿泉

南明寺覽佛屋月峽仙局諸勝及梁時三

層寶閣廢址

雪鴻踪跡浪周流，一息禪宮百慮休。
金粟尚瞻厓畔影，銀蟾不見峽中秋。
祗園亦有丹丘樂，羽駕曾爲玉局遊。
高閣已灰成浩劫，頓憐人世轉空浮。

登天姥山絕頂瞰杭城若孟浙江若帶

青蓮仙客謫塵寰，天姥長歌夢裏山。
何許御風

同鶴到，幾時飛珮與雲還。
扶桑冉冉無多地，弱水盈盈可一灣。
我亦近觀周越會，冥鴻目送到鄉關。

山居雜興五首

深居簡出意如何，一任頽垣長薜蘿。
蠶月閉門無客到，花時對雨有鶯過。
鑿經欲定名方少，琴譜曾翻雅調多。
淺碧溪頭閑白鷺，近人那復畏虞羅。

澹薄甘餐世味長，一區深占水雲鄉。
斷來園筍

煙霞色買得溪魚芝藻香涉霧久知懶豹隱
風空復羨鷹揚何妨細酌林泉老不逐高陽舊
酒狂

何必金丹問大還好將時日度人間
岩前掩卷雲同懶松下彈碁鶴伴閒
喜對清樽邀北海耻歌白石怨南山
莫言散客渾無用曾展風霆震

百蠻

芙蓉窈窕月朦朧草閣遙憐王殿風
曾從龍舟西苑裏正聞蓮漏百花中
珠簾捲霧搖波綠寶

扇開雲射日紅恍向九霄重浪跡卻忘身世

飄蓬

時公以禮部祠祭司郎中特

旨賜遊西

潤戶岩扃儼未移青山憐我似前時
書林舊聚珠千篋社飯新分雪一匙
陰蟻戰來規陣法乍蜂衙罷憶朝儀
河清海晏逢休曆剩有豪懷付酒卮

曉發新昌入天台路寄懷何明府

沃洲南眺海霞明天姥迢迢帶赤城
到處溪山堪挹秀望中雲樹總含情
冲天控鶴人非遠

地鏗金賦未成一

冒垂堂從此去思君不見石

梁橫

名孟倫新會人嘉靖辛丑進士

時論漸昌

曉發嵎縣將往天台別林朱二少府

平林捲霧喜初晴
鳧影雙雙傍客旌
嶺海幾年成契闊
剡溪今日更尋盟
蒼山落葉稀人跡
碧澗流花遠世情
仙境漸深身漸杳
只愁歸路五雲平

蘭亭燕集

茂林修竹古亭幽
江左衣冠此勝遊
萬壑煙霞

還舊賞一時觴詠總名流
塔泉曲曲穿雲下
嶺樹章章背日稠
筆妙右軍惟襖帖
尋踪擬向墨池頭

贈徐第之翁

名後餘杭人今年八十五矣

望湖亭迥俯驚湍
蒲柳深開闢鴨欄
年力自矜詩草細
豪懷不減酒杯寬
四時風月長生術
三徑松筠舊歲寒
會看朱顏閒裏駐
何須更覓九華丹

嘉興晚發別陳子常

江南春盡落花天，葉在籠煙水滿田。
野店酒香新雨後，斷橋人渡夕陽邊。
羈懷瀟灑惟歌嘯，世路崎嶇只醉眠。
傾蓋逢君成坐久，片帆乘月下吳川。

寄懷沈仲文 應魁

偶遊觴詠屬西湖，酒聖詩神興不孤。
談笑總宜皆載筆，丹青無事更披圖。
榻懸夜雨頻占鵲，棹返秋風苦憶鱸。
便欲從君清泛去，楓橋乘月聽吳趨。

和曹侍御借楊侍御映江樓觀潮

序九二首其二

湖海襟懷獨倚樓，况逢仙侶伴清遊。
越山霧縹絲螺髻，浙水春融漲鴨頭。
抵借詩篇聊冶思，不緣花鳥解分憂。
報章累牘從元侶，七步才華絕品流。

揚名九澤華陰人嘉靖戊戌進士

萬民望久寓宜興詩以招之

名表 鄞縣人 都督

浪跡名山恣遠探，白雲何地可停驂。
鶴迷煙冷張公洞，花落春深玉女潭。
玄酒未醑慚獨酌，丹經初試擬同參。
爭如舊隱西湖曲，五柳甦甦甦杜

草菴

夏日三司諸公携酒過藥洲外館簡謝

草堂窈窕新開徑，二仲幽踪尚未通。花外忽傳
三府至，林間更喜一尊同。旋翻翠藻牽銀鯽，細
注瓊漿勸碧筒。天遣藥洲兼吏隱，重煩高詠助
清風。

秋夜送張方伯入閩中

張

紫薇花下送離居，花落秋風動客思。五嶺瘴雲
愁此日，八閩涼雨憶當時。即看鴻翼歸霄漢，且
覓鸞歌到武夷。良夜百年那更得，一尊相對轉
凄其。

病愈入朝

假寐周廬夜未央，坐看月色轉長廊。銀河淡淡
低鳩鵲，玉漏微微出建章。伏枕久拚明主棄，
倒衣重列紫宸行。迂踈無力能裨國，佩玉闌珊
媿獨長。

龍江送吳士美移守鈞州

名於山陰人嘉靖癸未進士

蘆荻蕭蕭鳥鴈飛，清江石郭重相依。孤舟尚憶

他年別萬死，還從去路歸。白首丹心憐，淚在窮途青眼故人稀。量移猶是長沙謫，落日哀歌事轉非。

送蔣中丞北上

名瑤歸安人弘治己未進士

翠華南狩下蕪城，淮海曾聞杖策迎。賸有陽春宣帝德，更持冰蘂重空評。江濤黯澹青山隱，薊樹玲瓏紫氣清。南國若勤明主問，好將民瘼疏延英。

清遠遇雨

日落驚傳萬壑雷，海潮忽帶雨聲來。偵陽峽底蒼虬出，橫石磯頭白浪開。病骨卽看蘇遠道，愁腸無復寄深杯。卻憐戎馬西山老，零雨何時奏凱回。

曲江芙蓉驛送李儀部稚大之京因懷屠文升王紹甫陳約之王道思四僚長

曲江日日風和雨，風雨催人可自由。楊柳陌頭秋獨早，芙蓉堤上晚添愁。卽分庾嶺悲行色，若到燕臺喜舊遊。爲問同袍諸逸俊，南宮何以行

清幽

李名義壯南海人嘉靖癸未進士

名汝孝東平人丙戌進士

曉行聞鷓鴣

曾于樂府聽哀音，今聽啼音哀更深。
簌簌自垂他日淚，紛紛都折此時心。
蠻花泚畔霜初白，瘴樹山頭月半沉。
倦客已憐行不得，又堪疲馬度危岑。

王方伯劉少叅適至遂同登妙高臺賦簡

高臺獨上不勝情，偶遇同心逸興并。
石局共彈秋雨淨，芒鞋遍踏曉雲輕。
禪通水月魚龍寂，地

擁天人色相明，廊廟直須公等在。
東林吾已訂

深盟

王名俊民合州人劉名勳莆田人俱正德甲戌進士

六榕寺

雙鳥遠寄穗城深，海鶴山雲共此心。
不為叅禪依淨社，每因看竹過叢林。
孤懸塔影青霄近，亂落榕陰白晝沉。
此意直教人自解，坐來明月上高岑。

行按肇慶寄送祝堯緒按察湖襄

聞君早晚去三湘，
晉滯無因共祖觴。
衡岳出雲

將使節漢江浮月近征檣探幽定入麗公里作
賦今登屈子堂他日有情能問訊澧蘭沅芷遲
來芳

名續長洲人正德辛未進士

同藩臬諸公余約中宅賞菊

秋色離離動物華天涯搖落更堪嗟逐臣自耐
黃花笑冷艷偏宜處士家舊插短籬開小徑新
移數種帶寒沙已拚一醉遲明月莫遣清尊近
夜賒

陸子龍寄酒

雲間正杳青鸞信天外俄傳綠蟻封萬里携來
情不淺一尊開處色仍濃暫將瘴海愁煩破宛
向閣門笑語從卻憶虎丘春正好桃花何日嘆
重逢

除夕與吳汝瑩燕集

此時爲廣東僉事

守歲天涯共一卮盛遊還憶帝京時藏鈎喚酒
高朋滿刺燭探題小伎隨鄉話自憐今夕未曩
懷惟有故人知明朝客裏逢春色坐對梅花玉
漏遲

寄贈西亭宗尉名睦擇河南周藩

十年不醉西亭酒千里頻傳北鴈書
麟閣策勳良已矣兔園抽簡復何如
評詩榻帖經綸素藝草分花智畧餘
滿地干戈非舊日王孫何以慰
樵漁

韶州

河戎寒依浦村珉晝掩關隔山明野燒云是小
溪蠻

胡十八

新翻胡十八急調出西涼不入鶻絃細能隨鵝
管長

新豐

策馬過新豐丘墟四望同不知千古上何處酒
旗風

春夜曲

夜靜寶香殘簾開銀燭冷照見庭前花不見歸
人影

宮詞三首

四方章疏下群司日日乾清坐自批欲奏午時
還退卻 龍顏玄默有端倪

西苑新栽萬樹榮鳳輿親採麥風涼養成細繭
顆顆似浴在金盆白玉光

時在儀制舉親蠶禮

龍船時候鳳船移萬歲山邊太液池寤寐進賢

真窈窕名花新選兩三枝

時在儀制奉命選北城良家子冊嬪中

二人有

古賞白金五兩

解冠雜憶五首

醉裏屠生興更豪論文只頌馬遷高飛揚跋扈

金閨裏遮莫雄談眼底曹

文升

晉魏名家不可當鍾王法帖自門墻王郎贈我

千金意未學臨池媿錦囊

汝孝

陳子翩翩鬢太青詩成先誦董娘聽遙聞此日

遊梁宋春閣應閒翦翠屏

約之夫人董氏會稽人侍郡文玉妃女

祠部儀曹數一時也曾潦倒共襟期若教諸少

當場驚捷足還推王道思

慎中

不見西村張戶侯惜花憐月近誰儔南鄰酒伴

應無恙日日溪邊放小舟

名夔字一夔錢塘人湖州守禦所百戶

瀟湘道中憶崇蘭芝茗薰芹諸從子

鶯棹長亭復短亭飄然江漢一浮萍紅顏青鬢
憐諸子高閣春深枕六經

夜郎二首

荒服提封不可稽疆連荆益混東西千山雲雨
來三峽一水舟航下五溪

漢家宮闕俯金臺萬戶千門次第開神木盡輸
廊廟具工師深媿棟梁材公以採木功欽賞自
金十兩綵段一表粟

廣州竹枝詞二首

青樓何日最相思郎去凌江二月時九里十三

拋水惡轉風灘上有靈祠

窄袖青衫白帕巾波羅廟裏賽新春聖童巫媪
村村會疊鼓鳴鑼拜海神

西湖柳枝詞二首

蘇公堤上柳如絲片雨含煙信有姿可憐枉抱
春消息不受孤山處士知

錢塘士女春可憐年年爭泛木蘭船若教湖柳
開青眼定道紅顏減去年

候藝衡試院未出

嘉靖己酉作

棘闈高鎖雨沉沉漏柝稀聞夜欲深憐汝揮毫
思獨苦萬言都屬濟時心

鴈蕩

丹厓千尺挂晴湍天女裁成五色紈遺下剪刀
雙壁立苔痕深鎖鐵光寒

山有剪刀峯

曉起

年來踪跡越中多水白山青興若何心事日親
江上侶夢魂無復帝城過

